

- M A N V I N I P O U ' W -

Sa ka fè lontan nou ka wè nou  
Man ka pansé alè nou bien konnet nou  
Bel souvenir bien ta nou  
Ni an lo gran moman pou nou sonjé  
Sé lanmou sé lanmitié dépi lanné  
Pou bon tan nou ja pasé  
Gadé tou sa lanné nou ka pran bel plézi, nou pa moli  
Si délé ni pléré, ansanm nou simen ri

**Man vini fè'w dansé pou pé sa oubliyé**  
Dan lajwa, nou ké liyanné  
Dan lawond, vini annou toubiyoné  
**Man vini fè'w chanté pawol pou nou lové**  
Mi sé sa nou ké partajé  
Sé pou sa man vini pou'w, annou kolé

Sé o péyi nou ka viv pli bel tan  
Oblijé ou pé pa rété lwen two lontan  
Tjè-nou gonflé isidan  
Anni gadé an ki jan nou bel  
Sé an gran fanmi, nou tout sav nou pa tou sel  
Sé an lanmou natirel  
Jodi, man vini pou'w, man paré pou ba'w tousa mwen ni  
Pa bizwen réfléchi, nou sav sa nou anvi

**Man vini fè'w dansé pou pé sa oubliyé**  
Dan lajwa, nou ké liyanné  
Dan lawond, vini annou toubiyoné  
**Man vini fè'w chanté pawol pou nou lové**  
Mi sé sa nou ké partajé  
Sé pou sa man vini pou'w, annou kolé

Man vini fe'w lové, sé kon sa nou éré  
Dan dé bra bien séré, annou toubiyoné

**Man vini fe'w lové, sé kon sa nou éré  
Dan dé bra bien séré, annou toubiyoné  
Man vini pou'w, sa vré, sé sa ki ka konté  
É si wou menm paré, nou ké toujou maré**

**Man vini fe'w lové, sé kon sa nou éré  
Dan dé bra bien séré, annou toubiyoné  
Man vini pou'w, sa vré, sé sa ki ka konté  
É si wou menm paré, nou ké toujou maré**

Mi mwen, mi wou, nou la é nou vini pou sa  
Chanté, dansé, anmizé  
Fok ou sav kè man vini pou'w oswè-a  
Wi man vini pou'w tout là-a  
Séré'w dan bra-mwen annou kolé  
Vini, annou toubiyonné

**Man vini... pou'w...**